

# Panimula

Ang paggalang at pakikipagkapwa-tao ay isa sa mga layunin ng mga aralin sa modyul na ito. Ito ay dapat linangin sa mga mag-aaral, maging sa pormal o impormal na aspekto ng pag-aaral. Bibigyang-pansin sa modyul na ito ang pagpapahalaga sa mga karapatan ng bawat isa, lalo na sa mga may kapansanan.

Hindi naging hadlang sa karamihan ng ating kababayan lalo ang mga may kapansanan na makamtan ang tagumpay. Nangyayari ito dahil sa kanilang pagsisikap at determinasyon. Tatalakayin din sa modyul na ito ang mga batas at ahensiya na nagpapatupad at nangangalaga sa karapatan at kapakanan ng may kapansanan.

Sa pamamagitan ng modyul na ito, sana malinang sa saloobin ng mga mag-aaral ang wastong pakikipagkapwa at paggalang sa mga taong may kapansanan.